



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 30. Variæ Innocentii XII. Pontificis Constitutiones.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

quæ post mariti sui obitum diu Regnum
 non sine multis laboribus & fastidiis ad-
 ministrabat, tandem vero resignatø in
 Carolum II. Filium suum scepro ex Aula
 Madritensi Toletum concessit, ubi inter
 præclara pietatis opera prudens Regina
 mundo valedixit, annos nata sexaginta
 duos. Decessit quoque die nona Se-
 ptembris Eleonora Ertmundis Joannis
 Georgii IV. Saxonix Electoris Vidua
 conjux: Versaliæ autem obiit Elisabetha
 Joannis Baptistæ Gastonis Ducis Aure-
 lianensis Filia, necnon Maria Theresia
 filia Leopoldi Cæsaris, & Casimirus
 Nassovix Princeps: præter hos quoque
 naturæ debitum solverunt Albertina
 Friderici Henrici Principis Nassoviensis
 Filia & Sophia Carolina Citiensis
 Princeps.

æc. XVII.
 A. C. 1696.

§. XXX.

*Varix Innocentii XII. Pontificis Con-
 stitutiones.*

Motis subinde dubiis ac controversiis
 ad Sacram Sedem devolutis In-
 nocentius XII. Pontifex Maximus, va-
 rias edidit Constitutiones, ac præpri-
 mis, cum in Anglia Patres Benedi-
 ctini, eo quod primi hoc Regnum ad
 fidem Catholicam revocassent, ac pro-
 pterea magnis a Sede Apostolica privi-
 legiis

Sæc. XVII legiis honorati essent, hinc iisdem etiamnum uti posse, sequæ Vicariorum jurisdictioni haud subijci existimabant, querentibus igitur Vicariis Pontifex nuperæ Congregationis decreta, quibus horum Vicariorum jurisdictione contra Regulares in Anglia quoad animarum curam fuerat asserta, hoc anno confirmavit: Quoniam vero in Sinis, favente ipso Chambio Imperatore multitudo credentium indies tam copiose cresceret, ut Macaonensis, Peckinensis & Nankinensis Episcopi haud ultra possent curam Pastoralem in tot regiones, populosque remotos extendere, hinc ex summi Pontificis consensu & mandato pluribus Provinciis præfiebantur Vicarii Apostolici, donec plures submitterentur Episcopi: cum autem ipsa Constitutio, qua Clemens X. ad Indos & Orientis partes Vicarios Apostolicos ceu Sacræ Sedis Delegates misit, eosque ab Episcoporum jurisdictione exemptis, crebris turbis ansam præbuisset, ac propterea Goanus Archiepiscopus, necnon Malacensis & Macaonensis Episcopi in Regnis Siami Cocincinæ, Cambayæ, aliisque adjacentibus regionibus hisce Vicariis jurisdictionis suæ usum impedire conarentur, eapropter Innocentius XII. Papa confirmata Clementis X. Constitutione

tione præfatis Episcopis, necnon Me-
lioporensi & Crangaronensi in virtute
S. Obedientiæ præcepit, ut in literis
Apostolicis contenta exacte observent,
atque observari curent, nec ullo pacto
Vicariorum, utpote qui etiam essent
Episcopi consecrati, jurisdictionem in
hisce Regnis turbent, donec aliter fue-
rit decretum: singulariter autem Pon-
tiffex declaravit, Regnum Tunckinense,
in quod ejusmodi Vicarii fuerant de-
putati, a Jurisdictione Episcopi Ma-
caonensis separatum, atque independens
esse.

Sæc. XVII.
A. C. 1696.

§. XXXI.

*Plures Sacrarum Congregationum
decisiones.*

Præter plures Sacrarum Congrega-
tionum Decisiones hoc anno die
undecima Februarii Sacra Concilii Con-
gregatio declaravit, quod Dignitates
Collegiatarum teneantur exercere Offi-
cium Hebdomadarii & alia munia, sicut
ceteri Canonici: Præcepit quoque die
decima octava ejusdem Mensis Sacra
Rituum Congregatio, Officium B.V.M.
de Mercede ab utroque Clero die vige-
sima quarta Septembris sub ritu duplici
esse recitandum. Declaravit S. Immu-
nitatis Congregatio die vigesima septima
Martii,

*Decif. S.
Congr. Rit.
Concil. Im-
mun. &c.*